

四庫全書

史部

欽定四庫全書

西漢會要卷四十五

宋 徐天麟 撰

選舉下

舉廉 孝廉附

孝文十二年詔曰孝悌天下之大順也力田為生之本也廉吏民之表也朕甚嘉此二三大夫之行今萬家之縣云亡應令豈實人情是吏舉賢之道未備也其遣謁

者勞賜孝者帛人五匹悌者力田二匹廉吏二百石

上率百石者三匹

師古曰自二百石以上每石加三匹也

孝景後二年詔曰其唯廉士寡欲易足今訾算十以上  
廼得官廉士算不必衆有市籍不得官亡訾又不得官  
朕甚愍之訾算四得官亡令廉士久失職貪夫長利

孝武元光元年冬初令郡國舉孝廉各一人

并本紀

董仲舒曰臣愚以為使諸列侯郡守二千石各擇其吏  
民之賢者歲貢各二人故州郡舉茂材孝廉皆自仲舒

發之

本傳

元朔元年冬詔曰朕深詔執事興廉舉孝今或至闔郡而不薦一人其與中二千石禮官博士議不舉者罪有司奏議曰不舉孝不奉詔當以不敬論不察廉不勝任也當免奏可

本紀

孝宣黃龍元年詔曰舉廉吏誠欲得其真也吏六百石位大夫有罪先請秩祿上通足呂効其賢材自今呂來毋得舉

韋昭曰吏六百石不得復舉為廉吏

孝平元始元年令宗室其為吏舉廉佐史補四百石  
趙廣漢為平準令察廉為陽翟令

朱博以太常掾察廉補安陵丞

蕭望之察廉為大行治禮丞

薛宣召大司農斗食屬察廉補不其丞

光祿勳于永除王嘉為掾察廉為南陵丞復察廉為長  
陵尉

張敞補太守卒史察廉為甘泉倉長

黃霸察補河東均輸長復察廉為河南太守丞

尹賞呂郡吏察廉為樓煩長

王吉呂郡吏舉孝廉為郎

池陽令舉廉吏獄掾王立

京房呂孝廉為郎

師丹孟喜並舉孝廉為郎

劉輔舉孝廉為襄贛令

平當察廉為順陽長

孝弟力田

孝惠四年正月舉民孝弟力田者復其身

本紀下同

高后元年二月初置孝弟力田二千石者一人

孝文十二年三月詔以戶口率置三老孝弟力田常員

令各率其意以導民

任子

父任

漢儀注吏二千石呂上視事滿三歲得任同產若子一人為郎

蘓武以父任為郎

劉向以父任為輦郎

孔光子男放為侍郎

董恭為御史任賢為太子舍人

蕭育以父任為太子庶人

史丹九男皆以丹任為侍中

汲黯以父任為太子洗馬

伏湛以父任為博士弟子

史丹馮野王皆以父任為太子中庶子

杜延年以三公子補軍司空

辛慶忌以父任為右校丞

虎賁諸郎皆父死子代

兄任

霍去病任光為郎

楊惲以忠任為郎

爰盎兄噲任盎為郎中

族父任

成帝時侯霸以族父任為太子舍人

宗家任

趙兼淮南王舅子由以宗家任為郎

致仕

元始二年遣龔勝邴漢策曰其上子若孫若同產同  
產子一人所上子男皆除為郎

董仲舒曰夫長吏多出於郎中中郎吏二千石子弟未  
必賢也

宣帝時王吉上疏曰舜湯不用三公九卿之世而舉皋陶伊尹不仁者遠今使俗吏得任子弟率多驕驕不通古今至於積功治人亡益於民此伐檀所為作也宜明

選求賢除任子之令

王吉傳

哀帝初即位除任子令

本紀

貲

張釋之以貲為騎郎

本傳漢注貲五百萬得為常侍郎

孝景後二年詔曰今貲算十呂上廼得宦廉士算不必

衆有市籍不得宦亡貲又不得宦朕甚愍之貲算四得

宦

紀本

司馬相如呂貲為郎

本傳

董仲舒曰選郎吏又呂富貲未必賢也

本傳

### 鬻官

武帝即位干戈日滋財賂衰耗而不贍入物者補官選  
舉陵遲廉耻相冒興利之臣自此始也其後府庫益虛  
廼募民能入奴婢得以終身復為郎增秩及入羊為郎

始於此其後四年

元朔五年

置賞官命曰武功爵大者封侯

卿大夫小者郎吏道雜而多端則官職耗廢

元狩四年

除故

鹽鐵官家富者為吏吏道益雜不選而多賈人矣

元鼎二年

始令吏得入穀補官郎至六百

師古曰交更選高官郎又就增其秩至六百石

所忠言

元鼎三年

世家子弟富人或鬪雞走狗馬弋獵博戲

亂齊民廼召諸犯令相引數千人命曰株送徒入財者

得補郎郎選哀矣弘羊又請令吏得入粟補官

平準書

黃霸以待詔入錢賞官補侍郎謁者坐罪免後復入穀

沈黎郡補左馮翊二百石卒史馮翊以霸入財為官不  
補右職

方技

衛綰以戲車為郎事文帝

鄧通以濯船為黃門郎

周仁以豎見景帝為太子時為舍人

吾丘壽王年少以善格五召待詔

荀彘以御見侍中

武帝時虞初以方士侍祠

東郭先生以方士待詔公車

武帝即位博開藝能之路悉延百端之學通一技之士

咸得自効絕倫超奇者為右亡所阿私

龜策傳

丞相魏相奏言知音善鼓雅琴者趙定龔德皆召見待詔

伍宏以醫待詔

成帝時言祭祀方術者皆得待詔

郊祀志

本草待詔

郊祀志師古曰以方藥本草而待詔

郡吏

趙禹以佐史補中都官用廉為令史

咸宣以佐史給事河東守

魏相為郡卒史舉賢良

王吉以郡吏舉孝廉為郎

尹齊以刀筆吏稍遷至御史

朱邑少時為舒桐鄉嗇夫遷補太守卒史

鮑宣為縣鄉嗇夫補束州丞

張敞以鄉有補太守卒史察廉為甘泉倉長

尹賞以郡吏察廉為樓煩長

焦延壽為郡吏察廉為小黃令

趙廣漢為郡吏州從事舉茂材

陳萬年為郡吏察舉至縣令

龔勝為郡吏楚王聘為常侍

王訢以郡縣吏積功稍遷被陽令

丙吉為魯獄吏積功勞稍遷廷尉右監

王尊為獄小吏給事太守府補書佐

尹翁歸為獄小吏除補卒史

于定國為郡決曹補廷尉

### 上書

武帝初即位詔天下舉方正賢良文學材力之士待以

不次之位四方士多上書言得失自銜鬻者以千數其

不足采者輒報聞罷

東方朔傳

東方朔初入長安至公車上書凡用三千奏牘公車令  
兩人共持舉其書僅然能勝之人主從上方讀之止輒  
乙其處讀之二月廼盡詔拜昌為郎史記朔上書曰可以  
為天子大臣文辭不遜高自稱譽上偉之令待詔公車

漢書

朱買臣隨上計吏詣闕上書書久不報待詔公車

主父偃元光元年上書闕下朝奏暮召入見是時徐樂  
嚴安亦俱上書言世務書奏上召見三人謂曰公等安

在何相見之晚也廼拜偃樂安皆為郎中

終軍至長安上書言事武帝異其文拜為謁者給事中  
枚臯上書北闕自陳枚乘之子上得之大喜召入見待  
詔

宣帝初即位思進賢良多上書言便宜輒下蕭望之問  
狀高者請丞相御史次者中二千石試事滿歲以狀聞  
下者報聞或罷歸田里

望之傳

元帝初即位賈捐之上疏言得失召待詔金馬門

哀帝初即位息夫躬上書召待詔

從軍

周勃材官引彊

師古曰彊其兩反服虔曰引彊弓弩官也

申屠嘉以材官蹶張遷為隊率

師古曰弩以足蹶者如蹶張

漢興六郡良家子選給羽林期門

師古曰六郡謂隴西天水安定北地上郡

西河也呂材力為官名將多出焉

地理志

公孫賀北地人少為騎士從軍

李廣隴西人呂良家子從軍

趙充國隴西人呂六郡良家子善騎射補羽林

傅介子北地人呂從軍為官

甘延壽北地人呂良家子善騎射為羽林

馮奉世上黨人呂良家子選為郎

張次公以勇悍從軍

義縱傳

常惠應募隨蘓武使匈奴

鄭吉以卒伍從軍

傅介子斬樓蘭王士刺王者皆補侍郎

軍功多用超等大者封侯卿大夫小者郎食貨

選舉雜錄

孝惠高后時市井子孫不得仕官為吏

景紀  
詔

有市籍不得宦無貲又不得宦

入財為官不補右職

黃霸

宗室不宜典三河

劉向

王國人不得宿衛

龔勝  
彭宣

王舅不宜備九卿

馮野王馮  
立馮彥

第犯法不得宿衛

蕭望之

賈人不得為吏

哀帝詔

執金吾韓立御史大夫張譚並坐選舉不實免

丞相張蒼任人為中候大為奸利上以為責

張勃舉陳湯司隸奏湯亡循行勃選舉故不以實削戶

二百

何武所舉方正槃辟雅拜坐左遷楚內史

山陽侯張當居坐為太常擇博士弟子故不以實全為

城旦表

元始二年大理復坐除吏不次免

河平四年宗正劉順坐使合陽侯舉子免

建平二年邛成侯王勲坐選舉不以實罵廷史大不敬  
免

元延元年詔舉方正直言之士紅陽侯立舉陳咸對策  
拜為光祿大夫給事中丞相方進奏咸不當蒙方正并  
劾立選舉故不呂實有詔免咸勿劾立

嚴延年察獄史廉有臧不入身延年選舉不實貶秩

司隸奏杜業為大常選舉不實業坐免官

平帝初即位詔曰選舉者其歷職更事有名之士則以  
為難保廢而弗舉甚謬於赦小過舉賢材之義諸有臧  
及內惡未發而薦舉者皆勿案驗令士厲精鄉進不呂  
小疵妨大才

西漢會要卷四十五

欽定四庫全書

西漢會要卷四十六

宋 徐天麟 撰

民政一

戶口

自高祖訖於孝平民戶千二百二十三萬三千六十二口五千九百五十九萬四千九百七十八漢極盛矣

地理

志師古曰漢之戶口當元始二年最為殷盛故志舉之以為數

京兆尹

元始二年戶十九萬五千七百有左馮翊戶二

萬五千一百一口九十右扶風戶二十一萬六千三百

一萬七千八百二十二口四河東郡戶十三

十七弘農郡戶十一萬八千九百五十四口四

萬六千八百九十六口九太原郡戶十六萬九千八百

十六萬二千九百一十二口六十八萬

四百八上黨郡戶七萬三千七百九十八口河內郡戶

十四萬一千二百四十六口河南郡戶二十七萬六千四

口百六萬七千九十七口陳留郡戶

十四萬二千二百八十四口

百七十九東郡戶四十萬一千二百九十七口

十九萬六千二百八十四口

一百五十萬九千五百一十口

潁川郡戶四十三萬二千

一百五十萬九千五百一十口

百二十一萬  
汝南郡戶四十六萬一千五百八十七口  
九百七十三

南陽郡

戶三十五萬九千一百一十六  
口一百九十四萬二千五十一  
南郡戶十二萬五千五百

七十九口七十一  
江夏郡戶五萬六千八百四十四口  
萬八千五百四十

廬江郡

戶十二萬四千三百八十三口  
口四十五萬七千三百三十三  
九江郡戶十五萬五千

二百七十八萬  
山陽郡戶十七萬二千八百四十七口  
五百二十五  
濟

陰郡

戶二十九萬二千五百三  
口八萬六千二百七十八  
沛郡戶四十萬九千

三萬四  
魏郡戶二十一萬二千八百四十九  
口九十萬九千六百五十五  
鉅鹿郡戶

五萬五千九百五十一口  
常山郡戶十四萬一千七百七十一口  
十二萬七千一百七十七

七萬七千九百五十六

清河郡

戶二十萬一千七百七十四口

涿

郡

戶十九萬五千六百七十七

勃海郡

戶二十五萬六千三百七十七

口九十萬五千一百一十九

平原郡

戶十五萬四千三百八十七口

千乘郡

戶十一萬六千七百二十口

濟南郡

戶十四萬七百六十一口

六十四萬二千八百八十四

泰山郡

戶十七萬二千八百六十六口

齊郡

戶十五萬四千八百二十六口

北海郡

戶十二萬七千五百九十九口

千五百五十九

東萊郡

戶十萬三千二百九十二口

琅邪郡

戶二

十二萬八千九百六十一

東海郡

戶三十五萬八千四百一十四口

千三百臨淮郡戶二十六萬八千二百八十三口會稽

郡戶二十二萬三千三百四十丹陽郡戶十萬七千五百四

一百豫章郡戶六萬七千四百六十二口桂陽郡戶二

千一百一十九口十五武陵郡戶三萬四千一百七十

五十零陵郡戶二萬一千九百七十八口漢中郡戶十萬

百七十口三十萬廣漢郡戶十六萬七千四百九十九

九蜀郡戶二十六萬八千二百七十九口犍為郡戶十

千四百一十九口四十越雋郡戶六萬一千二百八十

益州郡

戶八萬一千九百四十六  
牂牁郡 戶二萬四千

口十五萬三千三百六十

巴郡

戶十五萬八千六百四十三  
口七十萬八千一百四十八

武都郡

戶五萬一千二百七十六  
口二十三萬五千五百六十

隴西郡

戶五萬三千九百六十四  
口二十三萬

萬六千八百二十四

金城郡

戶三萬八千四百七十七  
口十四萬九千六百四十八

天水郡

戶六

萬三千七百七十四  
口二十三萬八千一百一十

武威郡

戶七萬七千五百八十一  
口七萬六千四百一十

九張掖郡

戶二萬四千三百五十二  
口八萬八千七百三十一

酒泉郡

戶萬三千一百三十

七百七十六

燉煌郡

戶萬一千二百三十五  
口八萬三千三百五十五

安定郡

戶四

萬二千七百二十五  
口四萬三千二百九十四

北地郡

戶六萬四千四百六十一  
口二十一萬六千

百八上郡戶十萬三千六百八十三口西河郡戶十三萬六千

三百九十八口朔方郡戶三萬四千三百三十八口

八五原郡戶三萬九千三百二十二口雲中郡戶三萬

三千二百七十口定襄郡戶三萬八千五百五十九口鴈

門郡戶七萬三千一百三十八口代郡戶五萬六千七

十七萬八千四百五十四口上谷郡戶三萬六千八百一十一口漁陽郡戶

七萬五千一百一十六口右北平郡戶六萬六千六百八

百八遼西郡戶七萬二千六百五十四口遼東郡戶五

千九百七十二口二十  
七萬二千五百三十九  
玄菟郡戶四萬五千六口二十

樂浪郡戶六萬二千八百十二口  
四十萬六千七百四十八  
南海郡戶萬九千六百一十三口

九萬四千二百  
百五十三  
鬱林郡戶萬二千四百一十五口  
七萬一千一百六十二  
蒼梧郡

戶二萬四千三百七十九  
口十四萬六千一百六十  
交趾郡戶九萬二千四百四十

二百三  
十七  
合浦郡戶萬五千三百九十八  
口七萬八千九百八十  
九真郡戶三萬五千七

百四十三口十六  
萬六千一十三  
日南郡戶萬五千四百六十口  
六萬九千四百八十五  
趙國

戶八萬四千二百二口三  
十四萬九千九百五十二  
廣平國戶二萬七千九百八

五百五  
十八  
真定國戶三萬七千一百二十六口  
十七萬八千六百一十六  
中山國戶

六萬八百七十三口  
信都國戶六萬五千五百五十六口三十萬四千三百八十

四河間國

戶四萬五千四十三口十  
廣陽國戶二萬七

七萬六百  
淄川國戶五萬二千八百九十九口  
膠東國戶七

千二百二十二萬  
高密國戶四萬五千三百三十一口  
城

陽國

戶五萬六千六百四十二口  
淮陽國戶十三萬五

四口九十八萬  
梁國戶三萬八千七百九十九口  
東平國戶

三萬一千七百五十三口  
魯國戶十一萬八千四百五十六口六十萬七千三百八

十楚國

戶十一萬四千七百三十八口  
泗水國戶二萬五千

一萬九千  
廣陵國戶三萬六千七百七十三  
六安國戶

一百十四

口十四萬七百二十二

六安國

戶

萬八千三百四十五口十  
長沙國戶四萬三千四百七  
七萬八千六百一十六  
十口二十三萬五千

八百二  
十五

漢興大城名都民人散亡戶口可得而數裁什二三及

至文景四五世間流民既歸戶口亦息

高惠文功臣表

孝文即位趨勸農桑減省租賦蓄積歲增戶口寢息

刑法

志

文景務在養民

武帝贊

孝昭承奢侈餘弊師旅之後海內虛耗戶口減半霍光知時務之要輕徭薄賦與民休息至元始元鳳之間匈奴

奴和親百姓充實

昭帝贊

王成為膠東相勞來不怠流民自占八萬餘口賜爵關內侯秩中二千石後或言成偽自增加以蒙顯賞

本傳

黃霸為潁川守戶口歲增治為天下第一

本傳

召信臣為南陽守百姓歸之戶口增倍

本傳

哀平之世百姓貧富雖不及文景然天下戶口最盛食貨

志上

風俗

凡民函五常之性而其剛柔緩急音聲不同繫水土之風氣故謂之風好惡取舍動靜亡常隨君上之情欲故謂之俗孔子曰移風易俗莫善於樂言聖王在上統理人倫必移其本而易其末此混同天下一之序中和然後王教成也漢承百王之末國土變改人民遷徙成帝時劉向略言其地分丞相張禹使屬潁川朱贛條其風

俗猶未宣究故輯而論之終其本末著於篇

秦地於天官東井輿鬼之分埜也其界自弘農故關以西京兆扶風馮翊北地上郡西河安定天水隴西南有巴蜀廣漢犍為武都西有金城武威張掖酒泉燉煌又西南有牂柯越雋益州皆宜屬焉漢興立都長安徙齊諸田楚昭屈景及諸功臣家於長陵後世世徙吏二千石高訾富人及豪傑兼并之家於諸陵蓋亦以彊幹弱支非獨為奉山園也是故五方雜處風俗不純其世家則

好禮文富人則商賈為利豪傑則游俠通姦瀕南山近夏陽多阻險輕薄易為盜賊常為天下劇又郡國輻輳浮食者多民去本就末列侯貴人車服僭上衆庶放效羞不相及嫁娶尤崇侈靡送死過度天水隴西山多材木民以板為室屋及安定北地上郡西河皆迫近戎狄修習戰備高上氣力以射獵為先漢興六郡良家子選給羽林期門以材力為官名將多出焉故此數郡民俗質木不耻寇盜自武威以西本匈奴昆邪王休屠地武帝

時攘之初置四郡以通西域曷絕南羌匈奴其民或以  
關東下貧或以報怨過當或以諄逆無道家屬徙焉習  
俗頗殊地廣民稀水少宜畜牧故涼州之畜為天下饒  
保邊塞二千石治之咸以兵馬為務酒禮之會上下通  
焉吏民相親是以其俗風雨時節穀糴常賤少盜賊有  
和氣之應賢於內郡此政寬厚吏不苛刻之所致也巴  
蜀廣漢本南夷秦并以為郡土地肥美有江水沃野山  
林竹木疏食果實之饒南賈滇僂僮西近印柞柞馬旄

牛民食稻魚亡凶年憂俗不愁苦而輕易淫佚柔弱褊  
阨景武間文翁為蜀守教民讀書法令未能篤信道德  
反以好文刺譏貴慕權執及司馬相如游宦京師諸侯  
以文辭顯於世鄉黨慕循其迹後有王褒嚴遵楊雄之  
徒文章冠天下繇文翁倡其教相如為之師故孔子曰  
有教無類武都地雜氐羌及犍為牂柯越嶲皆西南外  
夷武帝初開置民俗略與巴蜀同而武都近天水俗頗  
似焉故秦地天下三分之一而人衆不過什三然量其

富居什六秦幽吳札觀樂為之歌秦曰此之謂夏聲夫  
能夏則大大之至也其周之舊乎自井十度至柳三度  
謂之鷄首之次秦之分也

自魏地至具地並  
見地理志不詳錄



西漢會要卷四十六

# 欽定四庫全書

史部

西漢會要卷

四十七至  
五十四

詳校官編修臣范來宗

編修臣程嘉謨覆勘

總校官知縣臣楊懋珩

校對官編修臣盧遂

謄錄監生臣蕭文鉅

欽定四庫全書

西漢會要卷四十七

宋 徐天麟 撰

民政二

傅籍

景帝二年令天下男子年二十始傅

本紀師古曰傅著也言著名籍給公

家徭役臣天麟按高紀發閭中老弱未傅者悉詣軍如淳曰律年二十三傅之曠官高不滿六尺二寸以下為度瘡漢儀注民年二十三為一歲為衛士一歲為材官騎士習射御戰陳年五十六乃免為庶民就田里

則知漢初民在官三十有三年也今景帝更為異制令男子年二十始傅則在官三十有六年矣

## 更役

秦用商鞅之法月為更卒已復為正一歲屯戍一歲力

役三十倍於古

師古曰更卒謂給郡縣一月而更者正卒謂給中都官者也率計今人一歲之

中屯戍及力役之事三十倍多於古也更音工衛反

漢興循而未改

食貨志董仲舒疏

更賦

昭紀如淳曰更有三品有卒更有踐更有過更古者正卒無常人皆當迭為之一月一更是為卒更

也貧者欲得雇更錢者次直者出錢雇之月二千是謂踐更也天下人皆直戍邊三日亦名為更律所謂繇戍也雖丞相子亦在戍邊之調不可人人自行三日戍又行者當自戍三日不可往便還因便住一歲一更諸不

行者出錢三百八官官以給戍者是為過更律就卒踐更者居也居更縣中五月乃更也後從尉律卒踐更一月休十一月也食貨志曰月為更卒已復為正一歲屯戍一歲力役三十倍於古此漢初因秦法而行之也後遂改易有謫乃戍邊一歲耳

文帝偃武行文丁男三年而一事

賈捐之傳如淳曰常賦歲一事時天下民

多故三歲而一事

吳以銅鹽故百姓無賦卒踐更輒予平賈

吳王濞傳

漢氏常有更賦罷癘咸出

食貨志王莽下令云云晉灼曰雖老病皆復出口算

昭帝元鳳四年詔三年以前通更賦未入者皆勿收

紀

鄉役

十里一亭亭有長十亭一鄉鄉有三老有秩嗇夫游徼  
三老掌教化嗇夫職聽訟收賦稅游徼禁循盜賊縣大  
率方百里其民稠則減稀則曠鄉亭亦如之皆秦制也  
百官表漢官儀曰游徼亭長皆習設備五兵弓弩戰循  
刀劔甲鎧鼓吏赤幘行滕帶劔佩刀持楯被甲設矛戟  
習射十里一亭亭長亭侯五里一郵郵間相去二里  
半司姦盜亭長持二尺板以劾賊索繩以收執賊

泛役

著外縣附

惠帝三年發長安六百里內男女十四萬六千人城長

安三十日罷五年復發長安六百里內男女十四萬五

千人城長安三十日罷

並紀

武帝元狩三年發謫吏穿昆明池

師古曰吏有罪者罰而役之

成帝河平元年卒治河者為著外繇六月

溝洫志師古曰以卒治河

有勞雖役日近皆得比繇  
戌六月也著謂著于簿籍

後二歲河復決作治六月乃成治河卒非受平賈者為

著外繇六月

溝洫志平賈謂顧也其受平賈者不在著外繇之數

哀帝建平二年葬帝太后定陶發陳留濟陰近郡國五

萬人穿復土

紀按漢世力役非一姑舉此數條以見役法之例

雜錄

文帝時晁錯說上曰今農夫五口之家其服役者不下二人其能耕者不過百畝百畝之收不過百石春耕夏耘秋穫冬藏伐薪樵治官府給繇役春不得避風塵夏不得避暑熱秋不得避陰雨冬不得避寒凍四時之間亡日休息又私自送往迎來弔死問疾養孤長幼在其

中勤苦如此

食貨志上

西邊北邊之郡雖有長爵不輕得復五尺以上不得休

息

賈誼傳

信武侯靳歙坐事國人過律免

功臣表師古曰事謂役使之也

復除

從軍

漢二年蜀漢民給軍事勞苦復勿稅租二歲關中卒

從軍者復家一歲

高紀下同

五年詔諸侯子在關中者復之十二歲其歸者半之

軍吏卒賜爵非七大夫已下皆復其身及戶勿事

八年令吏卒從軍至平城及守城邑者皆復終身勿

事

十一年諸縣堅守不降反寇者復租三歲

六月令士卒從入蜀漢關中皆復終身

十二年詔吏二千石入蜀漢定三秦者皆世世復

豐沛

高祖十一年四月令豐人徙關中者皆復終身

十二年以沛為湯沐邑復其民世世無有所與沛父

兒請復豐乃比并復豐比沛

並本紀

民產子

高祖七年民產子復勿事二歲

本紀

三老

漢二年置鄉三老擇鄉三老為縣三老復勿繇戍

本紀

孝弟力田

惠帝四年舉民孝弟力田者復其身

武帝元朔元年詔曰朕旅耆老復孝敬

本紀

高年

文帝禮高年九十者一子不事八十者二算不事

賈誼

傳

武帝建元元年民年八十復二算九十復甲卒

本紀

四月詔民年九十以上已有受鬻法為復子若孫令  
得身率妻妾遂其供養之事

本紀

邊郡

晁錯說文帝募民守塞皆賜高爵復其家

食貨志

西邊北邊之郡雖有長爵不輕得復

賈誼傳

舊都

文帝三年幸太原復晉陽中都民三歲租

本紀

守冢

高祖十二年詔興秦始皇帝守冢二十家楚魏齊各十家趙及魏公子亡忘各五家令視其冢復無與他事

本紀

給祠

武帝登禮中嶽以山下戶凡三百封室高為之奉邑

獨給祠復無有所與

郊祀志

宗室

文帝四年復諸劉有屬籍者家無所與

紀

功臣後

宣帝地節二年詔曰傅陸侯功德茂盛復其後世疇

其爵邑世世無有所與

紀

元康元年復高皇帝功臣絳侯周勃等百三十六人

家子孫令奉祭祀世世勿絕其母嗣者復其次

同上

博士弟子

武帝為博士官置弟子五十人復其身

儒林  
傳序

通經

元帝好儒能通一經者復數年以用度不足更為設

員千人

同上

車騎馬

晁錯疏曰令民有車騎馬一匹者復卒三人

食貨志

入奴婢

武帝府庫並虛廼募民能入奴婢者得以終身復

食貨

志

買復

晁錯疏曰令民入粟至五大夫乃復一人耳

食貨志

桑弘羊請令民入粟甘泉各有差以復終身

食貨志

武帝兵革數動民多買復及五大夫千夫調發之士

益鮮

同上

元帝永光三年用度不足民多復除無以給中外徭

役

紀

流民

宣帝地節三年詔流民還歸者且勿算事

紀

本始三年大旱三輔民就賤者且毋收事

紀

執喪

宣帝地節四年詔諸有大父母父母喪者勿繇事使

得收歛送終盡其子道

紀

宮人

景帝遺詔出宮人歸其家復終身

紀

節婦

平帝復節婦鄉一人

西漢會要卷四十七

欽定四庫全書

西漢會要卷四十八

宋 徐天麟 撰

民政三

置三老

賜帛附

高祖二年舉民年五十以上有修行能帥衆為善置以  
為三老鄉一人擇鄉三老一人為縣三老與縣令丞尉  
呂事相教復勿繇戍以十月賜酒肉

本紀

文帝十二年詔以戶口率置三老常員

本紀

十里一亭十亭一鄉鄉有三老掌教化

百官表

武帝元狩六年遺謁者循行天下諭三老孝弟以為民

師

本紀

賈山曰天子之尊尊養三老於大學執爵而饋執爵而

酢祝餉在前祝鯁在後公卿奉杖大夫進履

賈山傳

新城三老董公遮說漢王曰項羽無道放弑其主天下

之賊也夫仁不以勇義不以力三軍之衆為之素服以

告之諸侯為此東伐此三王之舉也漢王曰善非夫子

無所聞於是漢王為義帝發喪兵皆縞素

高紀

武帝遣司馬相如諭告巴蜀責三老以不教誨之過

相如

傳

戾太子發兵誅江充長安中擾亂言太子反上怒甚壺

闕三老茂上書竊以為亡邪心書奏天子感悟

太子傳

王尊為京兆尹坐免湖三老公乘興等上書訟尊治京

兆功效日著書奏天子復以尊為徐州刺史

尊傳

王尊為東郡太守河水盛溢尊躬率吏民投沈白馬請以身填金堤水波稍却白馬三老奏其狀制詔秩尊中

二千石

同上

黃霸守潁川吏民興於行誼賜三老爵及帛

黃霸傳

韓延壽守馮翊有昆弟訟田延壽曰咎在馮翊移病不

聽事令丞嗇夫三老亦自繫待罪

延壽傳

賜三老帛

高祖以十月賜酒肉

見上

文帝十二年遣謁者勞賜三老帛人五匹

本紀下同

武帝元狩元年遣謁者賜縣三老帛人五匹鄉三老人

三匹

宣帝元康元年加賜三老帛

四年加賜三老帛人二匹

甘露三年鳳皇集新蔡賜新蔡三老帛有差

元帝初元元年賜三老帛人五匹

五年賜三老帛人五匹

元光二年賜三老帛

建昭五年賜三老帛

成帝建始元年賜三老錢帛

綏和元年賜三老帛

平帝元始三年賜三老帛

尊高年

文帝元年詔曰老者非帛不煖非肉不飽今歲首不時使人存問長老又無布帛酒肉之賜將何以佐天下子

孫孝養其親今聞吏稟當受鬻者或以陳稟

師古曰稟給也鬻淖

廉也給米使為廉鬻也以文帝詔文考之則受鬻之法其來必久

豈稱養老之意哉具

為令有司請令縣道年八十以上賜米八月一石肉二

十斤酒五斗其九十以上又賜帛人二匹絮三斤賜勿

及當稟鬻米者長吏閱視丞若尉致不滿九十嗇夫令

史致二千石遣都吏循行不稱者督之刑者及有罪耐

以上不用此令

本紀

文帝禮高年九十者一子不事八十者二算不事

賈山傳師

古曰一子不事蠲其賦役二  
算不事免二口之算賦也

武帝建元元年民年八十復二算九十復甲卒

四月詔民年九十已上已有受鬻法為復子若孫令得  
身帥妻妾遂其供養之事

武帝元狩元年詔曰朕哀夫老眊孤寡鰥獨或匱於衣  
食甚憐愍焉其遣謁者巡行天下存問致賜有寃失職  
使者目聞

元帝初元元年遣使存問耆老

建昭四年臨遣諫大夫博士賞等二十一人循行天下  
存問耆老

成帝永始三年臨遣大中大夫嘉等存問耆老

並本紀

賜高年帛

武帝元狩二年遣謁者賜年九十已上帛人二匹絮三  
斤八十已上米人三石

元封元年加年七十以上帛人二匹

二年賜高年米人四石

宣帝地節三年加賜高年帛

元康二年賜高年帛

三年賜高年帛

神爵元年賜高年帛

四年賜高年帛

五鳳三年加賜高年帛

甘露二年賜高年帛

元帝初元四年賜高年帛

永光元年賜高年帛

成帝鴻嘉元年加賜高年帛

永始四年賜高年帛

並本紀

賜孝弟力田錢帛

賜爵

孝文十二年遣謁者勞賜孝者帛人五匹悌者力田二

匹

紀下同

後七年遣詔賜孝弟力田金錢帛各有數

武帝元狩元年賜孝者帛人五匹弟者力田人三匹

宣帝元康元年加賜孝弟力田帛

四年加賜孝弟力田帛人二匹

甘露二年鳳皇集賜新蔡孝弟力田帛

元帝初元元年賜孝者帛五匹弟者力田三疋

五年賜孝者帛人五匹弟者力田三疋

永光二年賜孝弟力田帛

建昭五年賜孝弟力田帛

成帝建始元年賜孝弟力田錢帛有差

綏和元年賜孝弟力田帛

哀帝即位賜孝弟力田帛

宣帝神爵四年黃霸治行尤異潁川孝弟力田皆以差

賜爵

黃霸傳按紀云一級

成帝建始三年賜孝弟力田爵二級

河平四年賜孝弟力田爵二級

並本紀

恤鰥寡孤獨

文帝一三年賜天下孤獨布帛絮

按賈山傳云出帛十萬足以振貧民

武帝元狩元年遣謁者存問致賜鰥寡孤獨帛人三匹絮三斤縣鄉即賜毋贅聚

六年遣博士六人分巡行天下存問鰥寡廢疾無以自業者貸與之

元封元年加孤寡帛人二疋

二年賜孤寡米四石

五年賜鰥寡孤獨帛貧窮者粟

六年賜天下貧民布帛人一匹

太始三年賜鰥寡孤獨帛人一匹

宣帝即位賜金錢鰥寡孤獨各有差

地節三年詔曰鰥寡孤獨高年貧困之民朕所憐也前  
下詔假公田貸種食其加賜鰥寡孤獨高年帛二千石  
嚴教吏謹視遇毋令失職

元康元年加賜鰥寡孤獨帛

二年賜鰥寡孤獨帛

三年賜鰥寡孤獨帛

四年正月遣太中大夫彊等十二人巡行天下存問鰥寡

三月加賜帛鰥寡孤獨各一疋

神爵元年賜鰥寡孤獨帛

四年賜鰥寡孤獨帛

五鳳三年加賜鰥寡孤獨帛

甘露二年賜鰥寡孤獨帛

三年鳳皇集賜新蔡鰥寡孤獨帛

元帝初元年臨遣光祿大夫褒等十二人循行天下  
存問耆老鰥寡孤獨困乏失職之民

五年賜鰥寡孤獨帛二疋

永光元年賜鰥寡孤獨帛

二年賜鰥寡孤獨帛

建昭四年臨遣諫大夫博士賞等二十一人巡行天下  
存問耆長鰥寡孤獨困乏失職之人

成帝建始元年賜鰥寡孤獨錢帛各有差

鴻嘉元年賜鰥寡孤獨帛

永始四年賜雲陽鰥寡孤獨帛

平帝元始四年賜鰥寡孤獨帛

並本紀

恤流民

漢二年關中大飢米斛萬錢人相食令民就食蜀漢

高紀

五年諸民畧在楚者皆歸之民前或相聚保山澤不書名數今天下已定令各歸其縣復故爵田宅吏以文法

教訓辨告勿笞辱

同上

漢興大城名都民人散亡逮文景四五世間流民既歸

戶口亦息

功臣表

景帝即位議民欲徙寬大地者聽之

本紀

武帝元狩四年山東被水災民多飢乏天子遣使振貧

民尚不能救及徙民於關西以及充朔方以南新秦中

七十餘萬口

本紀凡七十萬五千口

衣食皆仰給于縣官數歲貸

與產業使者分部護冠蓋相望費以億計

食貨志

元鼎六年山東被河災及歲不發令飢民得就食江淮

間欲留留處使者冠蓋屬於道護之下巴蜀粟以振焉

上同

元封四年關東流民二百萬口無名數者四十萬公卿  
議欲請徙流民於邊以適之石慶上書願歸丞相印上  
報曰惟吏多私需求無已去者便居者擾故為流民法  
以禁重賦君不繩責長吏而請以興徙四十萬口蕩搖  
百姓孤兒幼年未滿十歲無罪而坐率朕失望焉

石慶  
傳

宣帝本始三年大旱三輔民就賤者且毋收事

本  
紀

地節三年流民還歸者假公田貸種食且勿算事

紀本

膠東相王成勞來不急流民自占八萬餘口賜爵關內

侯秩中二千石

本傳

成帝河平元年流民入函谷關

天文志

四年遣博士嘉等舉行瀕河之郡避水它郡國者在所

冗食之謹遇以文理毋令失職

本紀

陽朔二年秋關東大水流民欲入函谷天井壺口五阮

關者勿苛留遣諫大夫博士分行視

本紀

鴻嘉四年流民欲入關輒籍納所之郡國謹遇以理

紀本

平帝元始二年郡國大旱蝗青州尤甚民流亡罷安定  
呼池苑以為安民縣起官寺市里募徙貧民縣次給食  
至徙所賜田宅什器假與犁牛種食又起五里於長安  
城中宅二百區以居貧民

紀本

西漢會要卷四十八

欽定四庫全書

西漢會要卷四十九

宋 徐天麟 撰

民收四

徙豪族

高帝罷平城使婁敬往結和親敬從匈奴來因言匈奴  
河南白羊樓煩王去長安迎者七百里輕騎一日一夕  
可至秦中新破少民地肥饒可益實夫諸侯初起時非

齊諸田楚招屈景莫與今陛下雖都關中實少人北近  
外寇東有六國彊族一日有變陛下亦未得安枕而臥  
也臣願陛下徙齊諸田楚昭屈景燕趙韓魏後及豪傑  
名家且實關中無事可以備胡諸侯有變亦足率以東  
伐此彊本弱末之術也上曰善乃使劉敬徙所言關中  
十餘萬口

本傳

高祖九年十一月徙齊楚大族昭氏屈氏景氏懷氏田

氏五姓關中與利田宅

本紀

十一年令豐人徙關中者皆復終身

紀時太上皇思欲歸豐高祖乃更築

城寺市里如豐縣號曰新豐徙民以充實之

漢興立都長安徙齊諸田楚昭屈景及諸功臣家於長陵後世世徙吏二千石高訾富人家豪傑并兼之家於諸陵蓋以彊幹弱支非獨為奉山園也是故五方雜厝風俗不純其世家則好禮文富人商賈則為利豪傑則

游俠通姦

地理志

孝武建元三年賜徙茂陵者戶錢二十萬田二頃

紀

主父偃說上曰天下豪傑兼并之家亂衆民皆可徙茂陵內實京師外銷姦猾上從之

本傳

元朔二年徙郡國豪傑及訾三百萬以上于茂陵

太始元年徙郡國吏民豪傑于茂陵雲陵

師古曰時未有雲陵當言

雲陽

孝昭始元三年募民徙雲陵賜錢田宅

紀下同

孝宣本始元年募郡國吏民訾百萬以上徙平陵

紀

二年以水衡錢為平陵民起田宅

元康元年徙丞相列侯吏二千石訾百萬以上者杜陵  
孝元永光四年上為初陵詔勿置縣邑使天下安土樂  
業亡有動搖之心

孝成鴻嘉二年徙郡國豪傑訾百萬以上五千戶于昌  
陵永始元年罷昌陵及故陵勿徙民

哀帝建平元年為初陵勿徙郡國民

長陵

車千秋  
施讐

安陵

袁盎  
籍孺

馮唐  
閔孺

陽陵

周仁  
田延年

茂陵

張敞祖父  
董仲舒

杜鄴祖父  
郭解

杜周

原涉祖父

雲陵

黃霸

平陵

鄭崇祖父  
朱雲

平當祖父  
魏相

何並祖父  
韋賢

杜陵

杜延年  
馮奉世

尹翁歸  
王商

張敞  
史丹

韓延壽  
田何

蕭望之

韋玄成

昌陵

辛慶忌  
班況

黃霸

張安世

奴婢

高祖令民得賣子

食貨志

五年詔曰民以飢餓自賣為人奴婢者皆免為庶人也

本紀

文帝務勸農桑帥以儉節未有并兼之害故不為民田

及奴婢為限

食貨志  
師丹疏

賈誼曰今歲惡不入請賣爵子

食貨志注云賣  
爵叙又賣子也

晁錯勸文帝募民徙塞下募民以丁奴婢贖罪及輸奴

婢欲以拜爵者

晁錯  
傳

文帝時女子緹縈願沒入為官婢以贖父罪

刑法  
志

後四年免官奴婢為庶人

本  
紀

武帝建元元年赦吳楚七國帑輸在官者

紀應劭曰吳  
楚七國反時

其首事者妻子沒入為官奴  
婢武帝哀焉皆赦遣之也

董仲舒說武帝曰宜去奴婢除專殺之威

食貨志服虔曰不得專殺

奴婢也

其後府庫並虛廼募民能入奴婢得呂終身復為郎增

秩

同上

及楊可告緡徧天下廼分遣御史廷尉正監分曹往往  
即治郡國緡錢得民財物以億計奴婢以千萬數其沒  
入奴婢分諸苑養狗馬禽獸及與諸官官益雜置多徙

奴婢衆而下河漕度四百萬石及官自糴乃足

同上

杜延年坐官奴婢乏衣食免官

元帝時貢禹言官奴婢十餘萬游戲亡事稅良民以給

之宜免為庶人

貢禹傳

成帝永始四年詔曰公卿列侯親屬近臣多蓄奴婢被

服綺縠其伸飭有司以漸禁之

本紀

哀帝即位詔曰諸侯王列侯公主吏二千石及豪富民多蓄奴婢田宅亡限其議限列有司條奏諸侯王奴婢

二百人列侯公主百人關內侯吏民三十人年六十以上十歲以下不在數中諸名田蓄奴婢過品者皆沒入縣官官奴婢年五十以上免為庶人

本紀

平帝元始三年王莽奏吏民奴婢田宅之品

本紀

雜錄

文帝時賈誼上疏曰今民賣僮者為之繡衣絲履偏諸緣納之閑中是古天子后服所以廟而不宴者也而庶人得以衣婢妾天子之后以緣其領庶人簪妾以緣其

履此臣所謂舛也

賈誼傳

卓王孫僮客八百人程鄭亦數百人

司馬相如傳

蒼頭廬兒皆用致富非天意也

鮑宣傳孟康曰黎民黔首黎黔皆黑也下民陰

類故以黑為號漢名奴為蒼頭非純黑以別於良人也諸給殿中者所居為廬蒼頭侍從因呼為廬兒臣瓚曰漢儀注官奴給書計從侍中已下為蒼頭青幘

家僮

衛青傳

臧獲婢妾

司馬遷傳

僮使

王莽傳

奴客

尹翁歸傳

僮騎

張敞傳又何並傳作童騎

傳婢

王吉傳

私奴以千數

王商傳

僮手指千

指千則人百巴寡婦清傳

白衣

兩龔傳注白衣給官府趨走賤人

父御婢

夏侯嬰傳

庸保雜作

司馬相如傳

騎奴

何並傳

治豪猾

濟南閻氏

閻音

宗人三百餘家豪猾二千石莫能制於

是景帝拜郅都為濟南守至則誅閻氏首惡餘皆股栗

居歲餘郡中不拾遺旁十餘郡守畏都如大府

郅都傳

義縱為河內都尉至則族滅其豪穰氏之屬河內道不

拾遺

義縱  
傳

王溫舒由廣平都尉遷河內太守素居廣平時皆知河內豪姦之家及往以九月至令郡具私馬五十匹為驛自河內至長安部吏如居廣平時方略捕郡中豪猾相連坐千餘家上書請大者至族小者乃死家盡沒入

臧奏請不過二日得可事論報至流血十餘里河內皆怪其奏以為神速盡十二月郡中無犬吠之盜其頗不得失之旁郡追求會春溫舒頓足嘆曰嗟乎令冬月

益展一月足吾事矣

王溫舒傳

趙廣漢守京兆尹新豐杜建為京兆掾建素豪俠賓客為姦利廣漢聞之先風告建不改於是收案致法中貴人豪長者為請無不至終無所聽宗族賓客謀欲篡取廣漢盡知其計議主名起居使使告曰若計如此且并滅家令數吏將建棄市莫敢近者京師稱之

本傳

廣漢遷潁川太守郡太守原褚宗族橫恣賓客犯為盜賊前二千石莫能禽制廣漢既至數月誅原褚首惡郡

中震栗先是潁川豪傑大姓相與為婚姻吏俗朋黨廣漢患之厲使其中可用者受記出有案問既得罪名行法罰之廣漢故漏泄其語令相怨咎又教吏為鉅筭及得投書削其主名而託以為豪傑大姓子弟所言其後彊宗大族家家結為仇讎姦黨散落風俗大改吏民相告計廣漢得以為耳目盜賊以故不發發又輒得一切

治理威名流聞

本傳

尹翁歸拜東海太守東海大豪鄭許仲孫為姦猾亂吏

治郡中苦之二千石欲捕者輒以力執變詐自解終莫能制翁歸至論棄仲孫市一郡怖栗莫犯禁東海大治

本傳

王尊為安定太守出教告屬縣曰太守視事一月矣五官掾張輔懷虎狼之心貪汙不軌一郡之錢盡入輔家然適足以葬矣今將輔送獄直符吏詣閤下從太守受其事丞戒之戒之相隨入獄及輔繫獄數日死盡得其狡猾不道百萬姦臧威震郡中盜賊分散入傍郡界

本傳

嚴延年為涿郡太守時郡比得不能太守涿人畢野白等由是廢亂大姓西高氏東高氏自郡吏以下皆畏避之莫敢與牾咸曰寧負二千石無負豪大家賓客放為盜賊發輒入高氏吏不敢追浸浸日多道路張弓拔刃然後敢行其亂如此延年至遣掾蟲吾趙繡按高氏得其死罪繡見延年新將心內懼即為兩劾欲先白其輕者觀延年意怒迺出其重劾延年已知其如此矣趙掾至果白其輕者延年索懷中得重劾即收送獄夜入晨

將至市論殺之先所按者死吏皆股弁更遣吏分考兩  
高窮竟其姦誅殺各數十人郡中震恐道不拾遺

本傳

永始元延間上怠於政貴戚驕恣紅陽長仲兄弟交通  
輕俠藏匿亡命而北地大豪浩商等報怨殺義渠長妻  
子六人往來長安中丞相御史遣掾求逐黨與詔書召  
捕久之迺得長安中姦猾浸多閭里少年羣輩殺吏受  
賕報仇相與探賕為彈得赤丸者斫武吏得黑者斫文  
吏白者主治喪城中薄暮塵起剽劫行者死傷橫道抱

鼓不絕尹賞以三輔高第選守長安令得壹切便宜從事賞至修治長安獄穿地方深各數丈致令辟為郭以大石覆其口名為虎穴乃部戶曹掾史與鄉吏亭長里正父老伍人雜舉長安中輕薄少年惡子無市籍商販作務而鮮衣凶服被鎧扞持刀兵者悉籍記之得記數百人賞一朝會長安吏車數百兩分行收捕皆劾以為通行飲食羣盜賞親閱見十置一其餘盡以次內虎穴中百人為輩覆以大石數日一發視皆相枕藉死使輿

出瘞寺門桓東揭著其姓名百日後迺令死者家各自發取其尸親屬號哭道路皆歔歔長安中歌之曰安所求子死桓東少年場生時諒不謹枯骨後何葬賞所置皆其魁宿或故吏善家子失計隨輕黥願自改者財數十百人皆貫其罪詭令立功以自贖盡力有効者因親用之為爪牙追捕甚精甘者姦惡甚於凡吏賞視事數月盜賊止郡國亡命散走各歸其處不敢闖長安江湖中多盜賊以賞為江夏太守捕格江賊及所誅吏民甚

多坐殘賊免南山羣盜起以賞為右輔都尉遷執金吾  
督大姦猾三輔吏民甚畏之

尹賞傳

西漢會要卷四十九

欽定四庫全書

西漢會要卷五十

宋 徐天麟 撰

食貨一

墾田數

漢提封田一萬萬四千五百一十三萬六千四百五頃  
其一萬萬二百五十二萬八千八百八十九頃邑居道  
路山川林澤羣不可墾其三千二百二十九萬九百四

十七頃可墾不墾定墾田八百二十七萬五百三十六

頃漢極盛矣

地理

### 限民名田

董仲舒說武帝曰秦用商鞅之法改帝王之制除井田  
民得賣買富者田連阡陌貧者亡立錫之地小民安得  
不困漢興循而未改古井田法雖難卒行宜少近古限  
民名田以澹不足

師古曰名田古田也各為立限不使富者過制則貧弱之家可足也

塞

兼并之路然後可善治也

食貨志

元光中令賈人有市籍及家屬皆無得名田以便農敢

犯令沒入田貨

食貨志

哀帝即位師丹建言古之聖王莫不設井田然後治迺可平文帝務勸農桑帥以節儉未有并兼之害故不為民田及奴婢為限今豪富吏民訾數鉅萬而貧者俞困宜略為限天子下其議丞相孔光大司空何武奏請諸侯王列侯皆得名田國中列侯在長安公主名田縣道及關內侯吏民名田皆毋過三十頃賈人皆不得名田

為吏犯者以律論名田過品皆沒入官時田宅奴婢賈為減賤丁何用事董賢隆貴皆不便也詔書且須後遂

寢不行

食貨志

### 代田

武帝末年以趙過為搜粟都尉過能為代田一晦三畝歲代處故曰代田古法也后稷始畊田以二耜為耦

師古

曰併兩耜而耕

廣尺深尺曰畊長終晦一晦三畊一夫三百

畊而播種於畊中苗生葉以上稍耨隴草因隤其土以

附苗根故其詩曰或芸或耒黍稷儼儼芸除草也耒附

根也言苗稍壯每耨輒附根比盛暑隴盡而根深能風

與旱

能讀曰耐

故儼儼而盛也其耕耘下種田器皆有便巧

率十二夫為田一井一屋故晦五頃

鄧展曰九夫為井三夫為屋夫百畝

於古為十二頃古者百步為晦漢二百四十步為晦古千二百晦則得今五頃

用耦犁二牛三

人一歲之收常過縵田晦一斛以上

縵田謂不為圳者也

善者倍

之過使教田太常三輔

太常主諸陵有民故亦有田種

大農置工巧奴

與從事為作田器二千石遣令長三老力田及里父老

善田者受田器學耕種養苗狀民或苦少牛亡以趨澤故平都令光教過以人輓犁過奏光以為丞教民相與

庸輓犁

言換功  
共作也

率多人者田日三十晦少者十三晦以

故田多墾闢過試以離宮卒田其宮墾地課得穀皆多

其旁田晦一斛以上令命家田三輔公田

韋昭曰命家  
謂受爵命一

爵為公士以上令  
得田公田優之也

又教邊郡及居延城是後邊城河東

弘農三輔太常民皆便代田用力少而得穀多

食貨  
志

假民公田

省苑圃

漢二年故秦苑園池令民得田之

紀下同下

武帝建元元年罷苑馬以賜貧民

師古曰養馬之苑禁百姓芻牧今罷之

昭帝元鳳三年罷中牟苑賦貧民

宣帝地節元年假郡國貧民田

三年詔池籩未御幸者假與貧民又令流民還歸者假

公田貸種食

元帝初元元年以三輔太常郡國公田及苑可省者振業貧民江海陂湖園池屬少府者以假貧民勿租賦六

月省苑馬以振困乏

二年詔罷水衡禁園宜春下苑少府飲飛外池嚴籞池  
田假與貧民

永光元年令民各務農畝無田者假之

哀帝建平元年太皇太后詔外家王氏田非冢塋皆以  
賦貧民

勸農桑

漢興諸侯並起民失作業而大飢饉凡米石五千人相

食死者過半高祖乃令民得賣子就食蜀漢天下既定

輕田租什五而稅一量吏祿度官用以賦於民

食貨志

惠帝即位減田租復十五稅一

鄧展曰漢初十五稅一中間廢今復之也見本

紀

四年舉民孝弟力田者復其身

本紀

高后元年置孝弟力田二千石者一人

本紀

文帝時民近戰國背本趨末賈誼說上曰一夫不耕或受之飢今背本而趨末生之者甚少而靡之者甚多天

下財產何得不蹙令毆民而歸之農皆著於本使天下  
各食其力未伎游食之民轉而緣南畝則蓄積足而人  
樂其所矣上感誼言躬耕以勸百姓

全文見  
食貨志

二年正月詔曰夫農天下之本也其開籍田朕親率耕

以給宗廟粢盛

本紀

九月詔曰農天下之本也民所恃以生也而民或不務  
本而事末故生不遂朕憂其然故今茲親率羣臣農以  
勸之其賜天下民今年田租之半

本紀

晁錯說上曰今海內為一而蓄積未及者何也地有遺  
利民有餘力生穀之土未盡墾游食之民未盡歸農也  
今農夫五口之家其服役者不下二人其能耕者不過  
百畝百畝之收不過百石春耕夏耘秋穫冬藏伐薪樵  
治官府給繇役春不得避風塵夏不得避暑熱秋不得  
避陰雨冬不得避寒凍四時之間亡日休息又私自送  
往迎來弔死問疾養孤長幼在其中勤苦如此尚復被  
水旱之災急政暴虐賦歛不時朝令而暮改當具有者

半賣而賣亡者取倍稱之息於是有賣田宅鬻子孫以償責者矣而商賈大者積貯倍息小者坐列販賣操其奇贏日游都市乘上之急所賣必倍故其男不耕耘女不蠶織衣必文采食必梁肉亡農夫之若有仟佰之得因其富厚交通王侯力過吏執以利相傾千里游敖冠蓋相望乘堅策肥履絲曳縞此商人所以兼并農人農人所以流亡者也今法律賤商人商人已富貴矣尊農夫農夫已貧賤矣故俗之所貴主之所賤也吏之所卑法之

所尊也上下相反好惡乖迕而欲國富法立不可得也  
方今之務莫若使民務農而已矣欲民務農在於貴粟  
貴粟之道在於使民以粟為賞罰今募天下入粟縣官  
得以拜爵得以除罪如此富人有爵農民有錢粟有所  
渫夫能入粟以受爵皆有餘者也取於有餘以供上用  
則貧民之賦可損所謂所有餘補不足令出而民利者  
也

食貨  
志

十二年詔曰道民之路在於務本朕親率天下農十年

于今而野不加辟歲一不登民有飢色吾詔書數下歲  
勸民種植而功未興是吏奉吾詔不勤而勸民不明也  
其賜農民今年租稅之半又曰力田為生之本也其以  
戶口率置孝弟力田常員令各率其意以道民焉

紀本

十三年二月詔曰朕親率天下農耕以供粢盛皇后親  
桑以奉祭服其具禮儀

紀本

六月詔曰農天下之本務莫大焉今墮身從事而有租  
稅之賦其於勸農之道未備其除田之租稅

紀本

景帝後二年四月詔曰雕文刻鏤傷農事者也錦繡纂組害女紅者也農事傷則飢之本也女紅害則寒之原也夫飢寒並至而能亡為非者寡矣朕親耕后親桑以奉宗廟粢盛祭服為天下先不受獻減大官省繇賦欲天下務農蠶素有蓄積以備災害

本紀

三年春詔曰農天下之本也黃金珠玉飢不可食寒不可衣以為幣用不識其終始閒歲或不登意為末者衆農民寡也其令郡國務勸農桑益種植可得衣食物

本紀

孝景妻敕有司以農為務

食貨志

武帝之初國家亡事非遇水旱則民人給家足都鄙廩庾盡滿太倉之粟陳陳相因充溢露積於外腐敗而不可食是後外事四夷內興功利役費並興而民去本董仲舒說上曰春秋他穀不書至於麥禾不成則書之今關中之俗不好種麥願詔大司農使關中民益種宿麥

毋令後時

食貨志

親耕籍田以為農先

董仲舒傳

元狩三年遣謁者勸有水災郡種宿麥

本紀

征和四年上耕于鉅定

本紀

仲舒又言古井田法雖難卒行宜少近古限民名田以澹不足塞并兼之路薄賦歛省繇便以寬民力然後可善治也帝末年悔征伐之事迺封丞相為富民侯下詔曰方今之務在於力農以趙過為搜粟都尉過能為代

田用力少而得穀多

食貨志

昭帝始元年二月上耕于鉤盾弄田

本紀

六年正月耕于上林

本紀

元平元年詔曰天下以農桑為本日者省用罷不急官

省外繇耕桑者益衆而百姓未能家給其減口賦錢

本紀

昭帝時流民稍還田野益闢頗有蓄積

食貨志

宣帝即位用更多選賢良百姓安土歲數豐穰穀石至

五錢農人少利大司農耿壽昌請置常平倉以穀賤時

增其價而糴以利農穀貴時減賈而糴民便之

食貨志

蔡癸以好農使勸郡國至大官

同上

元帝建詔五年三月詔曰方春農桑與百姓戮力自盡之時也故是月勞農勸民無使後時今不良之吏覆按小罪逮名證案與不急之事以妨百姓使失一時之作忘歲終之功公卿其明察申敕之

本紀

成帝陽朔四年詔曰夫洪範八政以食為首斯誠家給刑錯之本也先帝飭農薄其租稅寵其強力令與孝弟同科間者民彌惰怠鄉本者少將何以矯之方東作時令其二千石勉勸農桑出入阡陌致勞來之

本紀

平帝元始元年置大司農部丞十三人部一州勸農桑

紀本

龔遂為渤海太守見齊俗奢侈好末伎不田作迺勸民  
務農桑令口種一本榆百本蠶五十本葱一畦韭家二  
母蔬五雞使民賣劔買牛賣刀買犢郡中皆有蓄積吏

民富實

本傳

召信臣等南陽躬勸耕農出入阡陌時行視郡中水泉  
開通溝瀆起水門提閘凡數十處灌漑至三萬頃為民

作均水約束刻石立田畔郡中莫不耕稼力田戶口增

倍

本傳

西漢會要卷五十

欽定四庫全書

西漢會要卷五十一

宋 徐天麟 撰

食貨二

水利

魏文侯時史起為鄴令引漳水溉鄴以富魏之河內民  
歌之曰鄴有賢令兮為史公決漳水兮灌鄴旁終古焉

鹵兮生稻梁

溝洫志  
下同

韓使水工鄭國間說秦令鑿涇水自中山西邸瓠口為渠並北山東注洛三百餘里注填關之水溉舄鹵之地四萬餘頃收皆晦一鍾於是關中為沃野無凶年名曰

鄭國渠

右二渠雖非漢所開而漢實賴之故溝洫志敘述為詳

武帝時鄭當時為大司農言異時關東漕粟從渭上度六月罷而渭水道九百餘里時有難處引渭穿渠起長安旁南山下至河三百餘里徑易漕度可令三月罷而渠下民田萬餘頃又得以溉此損漕省卒而益肥關

中之地上以為然令水工徐伯表發卒數萬人穿漕渠  
三歲而通以漕大便利其後漕稍多而渠下之民頗得  
以溉矣

元鼎六年兒寬為左內史請鑿六輔渠益溉鄭國旁高  
邛之田廼減御史稻田租令平繇行水毋使失時

太始二年趙中大夫白公復奏穿渠引渠水首起谷口

尾入櫟陽注渭中袤二百里溉田四千五百餘頃名曰

白渠民得其饒歌之

云云

雜錄

水衡都尉

張晏曰掌都水

屬官有水司空都水長丞

百官表

武帝時河東守番係言穿渠引汾溉皮氏汾陰下引河溉汾陰蒲坂下上以為然發卒數萬人作渠田不利廢

溝洫志

下同

其後有人上書欲通褒斜道及漕上令拜湯子叩發數萬人作褒斜道道果便近而水多湍石不可漕

其後嚴熊言臨晉民願穿洛以溉重泉以東萬餘頃故

惡地於是發卒萬人穿渠引洛水至商顏下鑿井深者四十餘丈井下相通行水穿得龍首故名龍首渠作之十餘歲渠頗通猶未得其饒

劉向以故九卿召拜為中郎領護三輔都水

本傳

息夫躬言秦開鄭國渠以富國彊兵今為京師土地肥饒可度地孰水泉廣溉灌之利哀帝使躬持節領護三輔都水躬立表欲穿長安城引漕注太倉下以省轉輸

議不可成迺止

本傳

名信臣守南陽時行視郡中水泉開通溝瀆起水門提  
閘凡數十處以廣灌溉歲增加多至三萬頃信臣為民  
作均水約束刻石立於田畔以防分爭

田租

秦田租口賦鹽鐵之利二十倍於古或耕豪民之田見

稅十五

言貧人無田而耕墾豪富家田十分之中以五輸田主也

漢興循而未改

食貨

志董仲舒疏

漢興天下既定高帝約法省禁輕田租什五而稅一量

吏祿度官用以賦於民

食貨志

惠帝即位減田稅復什五稅一

紀鄧展曰漢初什五稅一中間廢今復之

文帝十三年詔除田之租稅

本紀

孝景二年令民半出田租三十而稅一也

食貨志按本紀書於元年

武帝元鼎六年上曰左右內史地名山川原甚衆細民

未知其利今內史稻田租挈重

挈苦計反收田租之約令也

不與郡

同

郡謂四方諸郡

其議減令吏民勉盡地利平繇行水勿使失

時

溝洫志

昭帝始元六年令民得以律占租

本紀注云武帝時賦欲繁多律外而取令

始復書舊

占章瞻反

王莽下令曰漢氏減輕田租三十而稅一常有更賦疲

瘡咸出厥名三十實什稅五

食貨志

荀悅論曰古者什一而稅以為天下之中正也令漢氏或百一而稅可謂鮮矣然豪彊富人占田逾侈輸其賦大半官收百之一稅民輸大半之賦官家之惠優於三代豪彊之暴酷於亡秦氏上惠不通威福分

於豪彊也文帝不正其本而務除租稅適足以資豪彊耳

賜民租賦

文帝二年賜天下民今年田租之半

十二年詔賜農民今年租稅之半

武帝元封四年祠后土賜三縣及楊氏無出今年租賦

五年修封禪所幸縣無出今年租賦

天漢三年修封泰山行所過無出田租

昭帝始元二年詔毋令民出今年田租

宣帝本始元年鳳凰集膠東千乘租稅勿收

三年郡國傷旱甚者毋出租稅

四年詔被地震壞敗甚者勿收租稅

元康二年令郡國被災甚者毋收今年租稅

神爵元年幸甘泉所過毋出田租

甘露三年鳳凰集新蔡毋出今年田租

元帝初元元年令郡國被災害甚者毋出租賦

二年郡國被地動災甚者毋出租賦

永光元年幸甘泉行所過毋出租賦

成帝建始元年郡國被災害什四以上毋收田租

鴻嘉四年郡國被災害什四以上民貲不滿三萬勿出租賦

永始四年幸甘泉河東所過無出田租

哀帝即位令水所傷縣邑及他郡國災害什四以上民貲不滿十萬皆無出今年租賦

平帝元始二年天下民貲不滿二萬及被災之郡不滿

十萬勿租稅

並本紀

### 算賦

漢四年初為算賦

高紀如淳曰漢儀注民年十五以上至五十六出賦錢人百二十為一等

為治庫

兵車馬

孝惠六年女子年十五以上至三十不嫁五算

惠紀注云漢律

人出一算買人與奴婢倍算

文帝民賦四十

賈捐之傳常賦百二十時天下民多故出賦四十

武帝下詔曰前有司奏欲益民賦三十助邊用是重困

老弱孤獨也

本紀又蕭望之傳張敞曰先帝征行三十餘年百姓猶不加賦

武帝建元元年詔民年八十復二算

本紀復二口之算也

元封元年行所巡至縣無出今年算

本紀

宣帝地節三年流民還歸者且勿算事

本紀

宣帝甘露元年減民算三十

本紀一算減錢三十也

元帝時貢禹請民年二十乃算

本紀

成帝建始二年減天下賦錢算四十

本紀注云本算百二十今減四十為

十八

口賦

昭帝元鳳四年詔毋收四年五年口賦

昭紀如淳曰漢儀注民年七歲

至十四出口賦錢人二十三二十錢以食天子其三錢者武帝加口錢以補車騎馬

元平元年詔減口賦錢有司奏請減什三上許之

同上

宣帝五鳳三年減天下口錢

本紀

元帝時貢禹以為古民亡賦算口錢起武帝征伐四夷重賦於民產子三歲則口出錢故民重困至於生子輒

殺宜令兒七歲去齒乃出口錢年二十乃算天子下其議令民產子七歲乃出口錢自此始

貢禹傳

### 更賦

漢氏常有更賦疲瘡咸出

食貨志

昭帝始元四年詔三年以前逋更賦未入皆勿收

本紀如淳

曰更有三品有卒更有踐更有過更古者正卒無常皆當人迭為之一月一更是為卒更也貧者欲得顧更錢次直者出錢顧之月二千是為踐更也天下人皆直戍邊三日不可人人自行三日戍謂不行者出錢三百入官官以給戍者是為過更也

戶賦

秦漢之制列侯封君食租稅歲率戶二百千戶之君則

二十萬朝覲聘享出其中

貨殖傳

軍賦

惠帝即位令吏六百石以上父母妻子與同居及故吏嘗佩將軍都尉印將兵及佩二千石官印者家難給軍

賦他無有所與

本紀

西漢會要卷五十一